

CAPUT XV.

ASCENSIO IN CÆLUM.

1. POSTQUAM SÍTAM dimiserat, terræ dominus sola terra, oceano cincta, fruebatur.
2. Protectorem illum adierunt, auxilium ejus implorantes, vates *Yamunam* accolentes, quorum sacrificia a *LAVANA Rákshaso* disturbabantur.
3. Contra quem hi, *RÁMÆ* memores, haud suo ipsorum robore pugnant: nam qui tutela deficiente imprecationum armis utuntur, castigationes suas irritas faciunt.
4. Promisit iis *RÁMAS* impedimenti remotionem: etenim *VISHNUIS* adventus in terram virtutis protectionem finem habebat.
5. Indicabant illi *RÁMÆ* deorum inimicum occidendi rationem, dicentes: "*LAVANAS*, quando hasta armatus, ægre vincendus est; quare hasta prius vatus impugnetur."
6. *RAGHUIDES* eorum salutem efficiendam mandavit *SATRUGHNÆ*, quasi nomen ejus hostium coercitione verum facturus.
7. Nam unusquisque *RAGHUIDARUM* solus etiam, hostium vexator, adversarium destruere valet, veluti decretum speciale tollit decretum generale.
8. Precationibus faustis a fratre majore acceptis, *DASARATHIDES*, curru vectus, metu liber, processit, adspiciens sylvarum regiones, floribus tectas, odores spargentes.
9. Exercitus, qui *RÁMÆ* jussu eum sequebatur, ad negotium ejus peragendum easdem partes agebat, quas in verbo *legere* (*adhyayana*) præpositio *adhi*, ad radicis sensum efficiendum.